



Broj: 101-1-1143/13

Mostar, 27.12.2013. godine

Na osnovu člana 72. Statuta Univerziteta "Džemal Bijedić" u Mostaru, Senat Univerziteta "Džemal Bijedić" u Mostaru, na sjednici održanoj 26.12.2013. godine, donio je

ODLUKU

o mjerama za povećanje vidljivosti i prisutnosti Univerziteta "Džemal Bijedić" u Mostaru i njegovih organizacionih jedinica na internetu

I

Imena za internet servise organizacionih i podorganizacionih jedinica Univerziteta definišu se unutar domena unmo.ba ili unmo.edu.ba.

II

Organizaciona i podorganizaciona jedinica Univerziteta, sa svim svojim organizacionim dijelovima, obavezna je da ima web prezentaciju/e imenovanu/e unutar akademskog domena unmo.ba ili unmo.edu.ba.

Organizaciona i podorganizaciona jedinica Univerziteta samostalno definiše strukturu i sadržaj svoje web prezentacije ali je pri tome dužna da na svojoj prezentaciji obezbjedi obavezne elemente kao što su:

- naziv Univerzitet "Džemal Bijedić" u Mostaru ispred naziva institucije,
- grb Univerziteta sa linkom na zvaničnu web prezentaciju Univerziteta www.unmo.ba.

Organizaciona i podorganizaciona jedinica Univerziteta je odgovorna za tačnost i ažurnost informacija objavljenih na svojoj web prezentaciji.

Univerzitet je odgovoran za obezbjeđenje uslova privatnosti određenih servisa unutar domena unmo.ba ili unmo.edu.ba.

Organizaciona i podorganizaciona jedinica Univerziteta dužna je da svoju web prezentaciju uskladi sa navedenim zahtjevima najdalje za 3 mjeseca od dana usvajanja ove odluke.

III

Prilikom službene korespondencije svi koji imaju zasnovan radni odnos u organizacionoj ili podorganizacionoj jedinici Univerziteta "Džemal Bijedić" u Mostaru obavezni su da koriste službenu e-adresu koja mora biti imenovana direktno u okviru unmo.ba ili unmo.edu.ba domena. Posebno, prilikom publikovanja naučnih i stručnih radova, ispred naziva organizacione ili podorganizacione jedinice treba da navedu Univerzitet "Džemal Bijedić" u Mostaru kao i svoju službenu e-adresu.

IV

Za realizaciju ove odluke zadužuje se Rektor Univerziteta.

V

Odluka stupa na snagu danom donošenja.

Dostaviti:

- Senatu Univerziteta
- VŠU Univerziteta
- Zaposlenicima Univerziteta
- a/a

Predsjedavajući Senata

prof. dr. Sead Pašić, s. r.